



**REPUBLIKA E SHQIPËRISË**  
**KOMISIONI I PROKURIMIT PUBLIK**

Nr. 1010/20 prot

Datë 09.07.2024

**V E N D I M**  
**Nr. 840/2024**

Komisioni i Prokurimit Publik, i përbërë nga:

Jonaid Myzyri	Kryetar
Kreshnik Ternova	Anëtar
Gjergj Mersini	Anëtar

Në mbledhjen e datës 09.07.2024, mori në shqyrtim çështjen me,

**Objekt:** Mbi zbatimin e vendimit të Komisionit të Prokurimit Publik Nr. 621/2024, datë 04.06.2024 për procedurën e prokurimit “*E hapur e thjeshtuar*”, me Nr. REF-01878-04-18-2024, me objekt: “*Blerje materiale për kirurgjinë e kataraktës për Spitalin Rajonal Durrës*”, me fond limit 4,546,300 lekë pa TVSH, parashikuar për t’u zhvilluar më datë 29.04.2024 nga autoriteti kontraktor, Spitali Rajonal Durrës.

**Ankimues:** Operatori ekonomik “ALMedical” SHPK me NUIS K21511002I dhe adresë: Rruga ‘Shefqet Musaraj’ banesa nr.17, Tiranë.

**Autoriteti Kontraktor** Spitali Rajonal Durrës  
Lagja nr.8, Rr.A.Goga, Durres.

**Baza Ligjore:** Ligji nr. 162/2020 “*Për Prokurimin Publik, Vendimi i Këshillit të Ministrave nr. 285, datë 19.05.2021 “Për miratimin e rregullave të prokurimit publik” i ndryshuar, Vendimi i Komisionit të Prokurimit Publik nr.766/2021, datë 13.10.2021 “Për miratimin e rregullave “Për Organizimin dhe Funksonimin e Komisionit të Prokurimit Publik”*”

Komisioni i Prokurimit Publik, pasi shqyrtoi dokumentacionin e çështjes dhe e diskutoi në tërësi,

## Vëren:

### I

#### *Rrethanat e çështjes*

I.1. Në datë 04.06.2024, Komisioni i Prokurimit Publik mori vendimin Nr. 621/2024, ku vendosi:

- 1. Të pranojë pjesërisht ankesën e operatorit ekonomik "ALMedical" SHPK, për procedurën e prokurimit "E hapur e thjeshtuar", me Nr. REF-01878-04-18-2024, me objekt: "Blerje materiale për kirurgjinë e kataraktës për Spitalin Rajonal Durrës", me fond limit 4,546,300 lekë pa TVSH, parashikuar për t'u zhvilluar më datë 29.04.2024, nga autoriteti kontraktor, Spitali Rajonal Durrës.*
  - 2. Autoriteti kontraktor të kryejë modifikimet përkatëse në përputhje me arsyetimet dhe konstatimet e mësipërme të Komisionit të Prokurimit Publik, si dhe të publikojë të gjitha ndryshimet dhe sqarimet në Sistemin Elektronik të Prokurimeve.*
  - 3. Autoriteti kontraktor, brenda 5 ditëve, të vërë në dijeni Komisionin e Prokurimit Publik për zbatimin e këtij vendimi.*
  - 4. Ngarkohet zyra e financës, të kryejë veprimet përkatëse për kthimin e tarifës financiare të paguar nga operatori ekonomik "ALMedical" SHPK.*
  - 5. Kundër këtij vendimi mund të bëhet ankim në Gjykatën Administrative të Apelit.*
  - 6. Kopje e këtij vendimi i dërgohet për njoftim Agjencisë së Prokurimit Publik.*
- Ky vendim hyn në fuqi menjëherë.*

I.2. Në datën 03.07.2024 është protokolluar në KPP me nr. 1010/17 prot., shkresa e autoritetit kontraktor, nr. 833/13 prot., datë 02.07.2024 me anë të së cilës AK bën me dije se: "[...] nga ana e autoritetit është e pamundur teknikisht të bëhet një veprim i tillë, pasi procedura e kaluar fazën e ndryshimit të dokumentave të tenderit dhe ka vijuar me fazën e dytë, atë të vlerësimit të ofertave, në të cilën nuk mund të bëhet ngarkim i shtojcës për ndryshim të DST-së. Kjo për shkak se pezullimi i procedurës në SPE është bërë në fazën e vlerësimit të ofertave, [...] konkretisht dijenia mbi ankesën nga ana jonë është marrë jo me datë 25.04.2024 (data e regjistrimit të ankesës në KPP) por me datë 30.04.2024 në faqen e KPP-së, pra pas datës 29.04.2024 (data e hapjes dhe e vlerësimit të ofertave). Ndodhur në kushtet e mësipërme kërkojmë heqjen e pezullimit në mënyrë që të vijomë me hedhjen e rë të procedurës me ndryshimet e konstatuara nga ana juaj."

### II

#### **Komisioni i Prokurimit Publik**

Pasi shqyrtoi dokumentacionin e mësipërm,

## Arsyeton

II.1. Në datën 03.07.2024 është protokolluar në KPP me nr. 1010/17 prot., shkresa e autoritetit kontraktor, nr. 833/13 prot., datë 02.07.2024 me anë të së cilës AK bën me dije se: “[...] nga ana e autoritetit është e pamundur teknikisht të bëhet një veprim i tillë, pasi procedura e kaluar fazën e ndryshimit të dokumentave të tenderit dhe ka vijuar me fazën e dytë, atë të vlerësimit të ofertave, në të cilën nuk mund të bëhet ngarkim i shtojcës për ndryshim të DST-së. Kjo për shkak se pezullimi i procedurës në SPE është bërë në fazën e vlerësimit të ofertave, [...] konkretisht dijenia mbi ankesën nga ana jonë është marrë jo me datë 25.04.2024 (data e regjistrimit të ankesës në KPP) por me datë 30.04.2024 në faqen e KPP-së, pra pas datës 29.04.2024 (data e hapjes dhe e vlerësimit të ofertave). Ndodhur në kushtet e mësipërme kërkojmë heqjen e pezullimit në mënyrë që të vijomë me hedhjen e re të procedurës me ndryshimet e konstatuara nga ana juaj.”.

Referuar shkresës së mësipërme, të dorëzuar nga autoriteti kontraktor pranë Komisionit të Prokurimit Publik, si dhe verifikimeve të kryera në sistemin e prokurimeve elektronike, konstatohet se, autoriteti kontraktor nuk ka publikuar shtojcën për modifikimin e dokumenteve të tenderit të procedurës së mësipërme të prokurimit, në kundërshtim me pikën 2 të dispozitivit të vendimit Nr. 621/2024, datë 04.06.2024, të Komisionit të Prokurimit Publik. Autoriteti Kontraktor me shkresën nr. 833/13 prot., datë 02.07.2024, protokolluar me tonën nr. 1010/17 prot., datë 03.07.2024, ka depozituar pranë Komisionit të Prokurimit Publik informacion lidhur me procedurën e mësipërme të prokurimit ku njofton, se e ka të pamundur të zbatojë vendimin Nr. 621/2024, datë 04.06.2024, të Komisionit të Prokurimit Publik, për arsye se procedura është hapur për vlerësim në datë 29.04.2024, datë e përcaktuar për të hapur procedurën, ndaj kërkoë miratimin e KPP-së për heqjen e pezullimit për të vijuar me anulimin e procedurës së prokurimit.

II.2. Komisioni i Prokurimit Publik, nënvizon faktin, se referuar nenit 23 të ligjit nr. 162/2020, datë 23.12.2020 “Për Prokurimin Publik”, në të cilin parashikohet se: “Agjencia e Prokurimit Publik: në përputhje me kërkesën, jep këshilla dhe asistencë teknike për autoritetet kontraktore, që ndërmarrin një procedurë prokurimi”, është Agjencia e Prokurimit Publik organi përgjegjës për dhënien e asistencës teknike dhe këshilla për autoritetet kontraktore, që ndërmarrin një procedurë prokurimi. Vendimet e dhëna nga një organ *quasi gjyqësor*, siç është edhe Komisioni i Prokurimit Publik, kanë natyrën e vendimeve gjyqësore, duke i dhënë operatorit ekonomik pritshmëritë e zbatimit të një vendimi gjyqësor, duke barazuar vendimmarrjen e KPP-së me atë gjyqësore. Gjithashtu, referuar Udhëzimit nr. 07, datë 30.07.2021 “Për rolin e Administratorit të Sistemit të Autoritetit Kontraktor, për rolin e Nëpunësit të autorizuar të Njesisë së Prokurimit dhe për rolin e Anëtarëve të Komisionit të Vlerësimit të ofertave, në Sistemin e Prokurimit Elektronik”, procesi i pezullimit bëhet teknikisht në sistem vetëm për procedurat e prokurimit, që janë në pritje të ofertave, pra deri në datën dhe orën e përcaktuar si “Afati i fundit për pranimin e ofertave” dhe “Data e zhvillimit të tenderit”.

Autoriteti kontraktor informon, se ka vijuar ne hapat e mëtejshëm të procedurës, duke bërë të pamundur modifikimet e kritereve dhe të informacionit administrativ sipas parashikimeve ligjore në LPP.

Sa më sipër, i ndodhur para një situatë të tillë, Komisioni i Prokurimit Publik gjykon, se për sa kohë që rikthimi i procedurës në sistemin e prokurimeve elektronike nuk është i mundur teknikisht, e vetmja mënyrë për të mbrojtur interesin e ligjshëm të operatorëve ekonomikë ankimues nga njëra anë dhe interesin publik nga ana tjetër, është lejimi i autoritetit kontraktor për vijimin e mëtejshëm të hapave të procedurës së prokurimit, me anulimin e saj dhe ripublikimin e procedurës në përputhje me konstatimet e vendimit nr. 621/2024, datë 04.06.2024 të KPP-së.

II.3. Sa më sipër, autoriteti kontraktor, lejohet të kryejë anulimin e procedurës në sistemin elektronik të prokurimeve si dhe të dërgojë pranë Komisionit Prokurimit Publik shtojcën me modifikimet përkatëse sipas përcaktimeve të bëra në vendimin nr. 621/2024, datë 04.06.2024 të Komisionit të Prokurimit Publik, së bashku me formularin e anulimit të procedurës së prokurimit objekt shqyrtimi.

Për sa më sipër, në mbështetje të ligjit nr. 162/2020 “Për Prokurimin Publik”, nenit 31 të Vendimit të Komisionit të Prokurimit Publik Nr. 596/2018, datë 12.09.2018 “Për miratimin e rregullave “Për organizimin dhe funksionimin e Komisionit të Prokurimit Publik”, Neni 4 Vendimi i Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”. Komisioni i Prokurimit Publik, njëzëri,

### Vendos

1. Të lejojë autoritetin kontraktor për vijimin me hapat e mëtejshëm të procedurës së prokurimit “E hapur e thjeshtuar”, me Nr. REF-01878-04-18-2024, me objekt: “Blerje materiale për kirurgjinë e kataraktës për Spitalin Rajonal Durrës”, me fond limit 4,546,300 lekë pa TVSH, parashikuar për t’u zhvilluar më datë 29.04.2024 nga autoriteti kontraktor, Spitali Rajonal Durrës”.
  2. Autoriteti kontraktor të vërë në dijeni Komisionin e Prokurimit Publik në lidhje me anulimin e procedurës së prokurimit dhe të dërgojë së bashku me formularin e anulimit edhe shtojcën e modifikuar të dokumentave të tenderit, në zbatim të vendimit 621/2024, datë 04.06.2024 të Komisionit të Prokurimit Publik.
  3. Kopje e këtij vendimi i dërgohet për njoftim Agjencisë së Prokurimit Publik.
- Ky vendim hyn në fuqi menjëherë.

## KOMISIONI I PROKURIMIT PUBLIK

**Anëtar**  
**Kreshnik Ternova**

**Anëtar**  
**Gjergj Mersini**

**Kryetar**  
**Jonaïd Myzyri**

